

Artigo

Pedro Alonso Iglesias^{ID} · David Martínez Lago^{ID} · Miguel Hevia Barcón^{ID}

Actualización do censo de lobos do norte de Galicia. Valoración crítica sobre metodoloxía e resultados do censo da Xunta de Galicia de 2021-2022

Recibido: 21 xuño 2023 / Aceptado: 17 novembro 2023
© IBADER- Universidade de Santiago de Compostela 2023

Resumo O presente artigo presenta os resultados obtidos nunha nova estima dos grupos reprodutores de lobo presentes no norte de Galicia. O traballo de campo foi efectuado os anos 2021 e 2022, de maneira que se actualiza o censo que se abordara en anos anteriores (2019 e 2020). Os resultados obtidos compáranse cos contidos no resumo do censo oficial do lobo presentado pola Xunta de Galicia e relativo aos anos 2021-2022. A análise dos resultados do censo oficial e a súa comparativa cos obtidos no presente traballo confirman unha subestima no primeiro de entre un 27.7 e un 43.4 % dos grupos reprodutores existentes nos case 3000 km² da área de estudio. Finalmente, preséntase unha valoración crítica da metodoloxía aplicada no censo oficial, que explicaría as deficiencias observadas nos resultados.

Palabras clave *Canis lupus*, tendencia da poboación, esforzo de mostraxe, limitacións do censo oficial, zonas humanizadas

Update of the wolf census of northern Galicia. Critical assessment of methodology and results of the 2021-2022 Xunta de Galicia census

Abstract This article presents the findings from a recent study that aimed to estimate the number of wolf reproductive packs in northern Galicia. Fieldwork was conducted in 2021

Pedro Alonso Iglesias
Biólogo. Tomiño (Pontevedra)
Email: pedroai@msn.com

David Martínez Lago
Naturalista. Covas, Ferrol (A Coruña)

Miguel Hevia Barcón
Naturalista. Cariño (A Coruña)

<https://doi.org/10.15304/rr.id9564>



and 2022, updating the census data from prior years (2019 and 2020). These results are then compared to the official wolf census summary provided by the Xunta de Galicia, which covers the years 2021-2022. Analysis of the current study highlights a significant underestimation in the official census results, ranging from 27.7% to 43.4%, in the number of reproductive wolf packs within the approximately 3000 km² study area. The article provides a critical evaluation of the methodology used in the official census, shedding light on the deficiencies observed in the results.

Key words *Canis lupus*, population trend, sampling effort, official census limitations, human-dominated landscapes

Introducción

Abordar a xestión dunha especie conflitiva social e economicamente como é o lobo precisa manexar unha información rigorosa e detallada sobre efectivos demográficos e evolución temporal dos mesmos. A metodoloxía dos censos desta especie efectuados na maior parte do suroeste de Europa presenta varias limitacións de difícil abordaxe, sendo as principais a presenza da especie en zonas densamente poboadas polo ser humano, o que provoca un comportamento elusivo e principalmente nocturno (Boitani 1987; Petrucci-Fonseca 1990; Vilá 1993), e a ausencia de períodos prolongados de innivación, o que impide incorporar os seguimentos de rastros en neve a dita metodoloxía (Blanco & Cortés 2012). Limitacións ás que habería que engadir outras de carácter circunstancial pero de complexo tratamento, como é o escaso uso do radio-seguimento na monitorización das poboacións de especies ameazadas ou que precisan, como é este caso, unha avaliación periódica de efectivos - nos últimos anos téñense producido avances significativos pero o recurso a este método segue a ser inferior ao nivel de uso doutros estados da contorna europea -. De aí que algúns investigadores conclúisen que "as diferenzas en obxectivos e recursos dispoñíbeis determinan en grande medida a metodoloxía a seguir" (Blanco & Cortés 2002).

A influencia que no orzamento e no gasto público das diferentes administracións poden ter as crises materializouse, no caso da iniciada en 2008 e para o Estado Español e Galicia en particular, na práctica dun modelo de austeridade que limitaba, recortaba e controlaba cada partida de gasto público. É nese contexto que se podería entender que un censo de ámbito galego, a priori accesíbel para un equipo compacto e homoxéneo de profesionais, se execute, seguindo criterios políticos, maximizando o aforro económico e incorporando persoal de mostraxe sen a debida cualificación. Os resultados do censo de 2013-2015, ao que se incorporou ao tratamento de datos un criterio probabilístico que interpretaba as informacións obtidas na mostraxe efectuada por un equipo heteroxéneo, foron cuestionados nun recente artigo (Alonso et al. 2021).

O obxectivo deste traballo é a actualización do censo efectuado no norte de Galicia por Alonso et al. 2021 e, ao tempo, contrastar os seus resultados co novo censo abordado pola Xunta de Galicia en 2021-22. A finalidade dese contraste é demostrar como o emprego de equipos heteroxéneos desvirtúa a metodoloxía de mostraxe e o posterior tratamiento da información, ainda que este sexa múltiple e pretenda reforzarse co uso de abordaxes probabilísticas e bayesianas (Jiménez et al. 2016; Xunta de Galicia 2022).

Material e métodos

Área de estudio

A área de estudio da presente estima demográfica é a mesma que a descrita en Alonso et al. (2021). Sería a superficie que viría definida por unha liña que partindo da localidade de Ribadeo cara a da Pontenova viraría cara o oeste, unindo Abadín, Vilalba e Monfero, para ascender cara a península da Capelada, delimitando unha superficie duns 2900 km² desde máis ao sur das nacentes dos ríos Mera, Sor, Landro, Eume, Ouro e Masma cara o mar e co Eo como límite cara o leste. Na figura 1 refílcense os límites da área de estudio. Para a descriptiva dos distintos aspectos que poderían condicionar a presenza e distribución de *Canis lupus* e das súas potenciais presas (climáticos, orográficos, hidrográficos, ecolóxicos, de vexetación e poboamento humano), pódese ver Alonso et al. (2021). Como factor fundamental para a interpretación dos indicadores demográficos da especie debe destacarse a presenza e abundancia de greas de bestas *Equus caballus* en toda a área de estudio, se ben con densidades variábeis, recoñecéndose áreas de grande abundancia e outras nas que se rexistran tendencias moi agudizadas de redución do número de greas e propietarios. Para un maior detalle e coñecemento deste factor ver Fagández et al (2021).

Metodoloxía da actualización do censo

No referido á actualización da estima demográfica da especie na área de estudio, partindo do coñecemento previo

dos territorios localizados e as áreas de reproducción confirmadas, desenvolveuse un traballo de campo consistente na procura, localización e seguimento de rastros e indicios de presenza ao longo de itinerarios pre establecidos, abordando nas áreas nas que se rexistrou unha maior frecuencia de paso a realización de estacións de observación e de escoita (neste último caso, asegurando que en todo momento se efectuasen nas circunstancias de maior seguridade para os lobos, a altas horas da madrugada e a distancias superiores a 2 km de núcleos de poboación). No ano 2021 aplicáronse técnicas de trameo vídeo-fotográfico na maior parte da área de estudio, mentres que en 2022, a realización de seguimentos vídeo-fotográficos en áreas de propiedade das empresas explotadoras de parques eólicos e montes comunais permitiu a instalación deste tipo de cámaras en determinadas áreas próximas ás zonas de reproducción de distintos grupos familiares.

Esforzo de campo e rendimento

Para a expresión e cuantificación do esforzo realizado no traballo de campo en 2021 e 2022, seguiríonse os mesmos criterios que os descritos en Alonso et al (2021). En 2021 realizouse maior esforzo de trameo video-fotográfico (TVF) que en 2022 (1685 cámaras-noite en 2021 fronte 791 en 2022). Neste último ano instaláronse cámaras só en predios privados, apartados de camiños e pistas, preto das áreas más frequentadas pola especie. Por contra, desenvolveuse moito más esforzo en estacións de observación e de escoita (ver táboa 1).

Diferenciación de unidades familiares e información determinante de reproducción

Para evitar cómputos duplos ou a infravaloración do número real de grupos existentes, seguiríonse os criterios expostos en Alonso et al. (2021), que se concretan no Cadro 1 e nas figuras 1 a 5. A información sobre reproducción adscribiuse a dúas clases: cría confirmada (CC, presenza de femia preñada, femia parida ou cachorros) e cría probábel (CP, presenza de parella como mínimo). Para maior detalle sobre a tipificación da información, ver en Alonso et al (2021). Un recente traballo sinala tamén a utilidade dos trazos físicos na diferenciación de exemplares de lobo (Jiménez et al. 2023).

Análise e contraste co censo oficial de 2021-22

Para a comparativa dos resultados obtidos na estima abordada por nós na área de estudio descrita e os do censo oficial de 2021-2022, partiuse da información que sobre distribución xeográfica de grupos potenciais e confirmados proporcionou o resumo publicado en Xunta de Galicia (2022) e do conxunto de localizacións de grupos e áreas reprodutoras confirmadas resultante das nosas prospeccións. O plano de distribución de grupos presentado en Xunta de Galicia (2022) proxectouse sobre

Grupo (nº orde e código)	2021				2022			
	Km PI	Esforzo TVF	EE (+)	EO (+)	Km PI	Esforzo TVF	EE (+)	EO (+)
1 AL	8	--	--	--	0	--	--	--
2 AP-TR	16	--	--	--	0	--	--	--
3 ME	32	12	--	--	46	--	8	11
4 AS	42	11	--	--	42	--	3	7
5 BU	24	62	--	--	46	--	12	15
6 CAB-BU	14	--	--	--	16	--	--	--
7 CAP	178	888	--	12 (4)	186	240	3	16 (3)
8 CAR/VI	78	--	--	--	72	--	5 (1)	7 (1)
9 CEL	19	--	--	--	21	64	--	--
10 CN	9	--	--	--	12	--	3	--
11 COR	54	38	--	--	64	54	2	3
12 CX	36	22	--	--	66	--	8 (1)	5 (1)
13 FG	42	--	--	--	26	--	7	3
14 MF	36	18	5	--	24	94	5	1
15 MS	54	18	5	--	45	--	5 (1)	2 (1)
16 PV	48	145	--	5 (2)	65	138	--	8 (1)
17 TX	46	30	--	5	23	--	4	2
18 VAC	132	57	--	--	77	--	4 (1)	--
19 GN	68	133	5 (2)	2	41	--	5 (2)	2 (1)
20 XN	96	89	4 (1)	10	73	--	7 (1)	10 (1)
21 XS	49	30	6	5	44	157	6	3
22 RIB	--	--	--	--	0	--	--	--
23 FE	--	9	--	--	0	--	--	--
24 FA	126	64	8	3	115	16	3	2
25 RB-G	118	59	6	2	148	28	4 (1)	1
Total	1325	1685	39 (3)	44 (6)	1252	791	94 (8)	98 (9)
Distribución mostraxe	$\bar{x}=53$ $s=45,61$				$\bar{x}=50,08$ $s=41,91$			

PI procura de indicios TVF trámpeo video-fotográfico (nº cámaras-noite) EE estacións escoita EO estacións observación (+) estacións con detección de exemplares, cachorros no caso das EE

Táboa 1.- Esforzo de mostraxe nas diferentes unidades familiares localizadas en 2021 e 2022

Table 1.- Sampling effort on the different located packs in 2021-2022 (PI: Search for tracks and signs TVF: Camera trapping (number of cameras-night) EE: wolf howling EO: Observation Points (+) Points with detection of specimens, pups in the case of EE)

ortofotografía, de maneira que o solapamento e coincidencia de liña de costa e límites autonómicos fose o maior posíbel, facilitando a superposición dos límites de cada “Área de Manada Potencial - AMP” e grupo reprodutor sobre referentes xeográficos concretos. As diverxencias identificadas entre as dúas fontes de información son plasmadas graficamente e apórtanse os datos obxectivos que sosteñen as nosas apreciacións de existencia de grupos reprodutores nas zonas onde o censo oficial non detectou confirmación de reprodución ou incluso de presenza de grupo, dando un extenso territorio como pertencente a un único grupo reprodutor, cando segundo as nosas informacións existirían dous ou incluso ata tres grupos nalgún dos casos de diverxencia detectados.

Para o cálculo da subestima no número de grupos presentes e de grupos reprodutores confirmados na nosa área de estudio foron cuantificados os grupos detectados no censo oficial e os rexistrados neste traballo, comparando os valores resultantes cos obtidos por Alonso et al. (2021).

Representación gráfica

Para a actualización da estima de efectivos, a súa comparación coa abordada en 2019-2020 e a corrección

dos resultados desta última en base a informacións obtidas posteriormente, optouse pola mesma representación gráfica das unidades familiares por medio de puntos aos que se lle superpoñen “buffers” de 5 km de radio (78.5 km^2). Para a comparativa cos resultados do censo oficial de 2021-2022, superpoñíense estes “buffers” sobre os deseños de AMP elaborados en Xunta de Galicia (2022).

Resultados

Grupos reproductores

Os resultados obtidos en 2021-2022 reflíctense na táboa 2, na que se detallan as evidencias que confirmán reprodución. O número de grupos de existencia confirmada foi de 23 en 2021 e de 22 en 2022 e o número de grupos con reproducción confirmada foi de 16 en 2021 e 14 en 2022 (69.5 e 63.6 %, respectivamente, sobre o total de grupos localizados; 18 grupos considerando reproducción nalgún dos dous anos de mostraxe, 78.2%). Na táboa 3 especificábase a información concreta que avala para cada grupo familiar a categoría de Cría Probábel ou Cría Confirmada.

Eivas físicas (ED1-ED5)

- ED1: Deformidade antero-braquial (DAB, posible osteocondrodisplasia)
- ED2: Coxeira: lesións nas extremidades ou articulacións apendiculares que provocan coxeiras patentes ao se desprazar o animal
- ED3: Rotura de cartílago auricular (orella caída)
- ED4: Cauda curta ou deforme
- ED5: Ausencia de reflexo ocular (tapetum lucidum)

Peladas (ED6-ED8)

- A definición das clases de afección por sarna ven determinada pola porcentaxe de superficie do corpo que presenta perda de pelaxe (ver Cross et al. 2016):
- ED6: Clase 1. Peladas extensas que afectan máis dun 50% do corpo, principalmente en dorso e costados
 - ED7: Clase 2. Peladas que afectan unha extensión media, comprendida entre o 6 e o 50% do corpo
 - ED8: Clase 3. Peladas localizadas e de pouca extensión ou animal recuperando pelaxe (perda de pelo inferior ao 6% da superficie corporal).

Pelaxe da cauda (ED9-ED12)

- ED9: Bandeira
- ED10: Plumón espeso
- ED11: Engrosada na base (cónica)
- ED12: Pelada

Faneróptica (ED13-ED16)

- ED13: Deseño facial: bridas, mancha masetera, máscara en belfos
- ED14-ED16: Liñas escuras das extremidades anteriores
 - ED14: Extensas: as manchas van desde o antebrazo ata o carpo ou metacarpio e dedos
 - ED15: Normais: as manchas localízanse no antebrazo e son aparentes
 - ED16: Vestixiais: as manchas son moi reducidas e pouco aparentes

Tamaño e forma (ED17-ED20)

- ED17: De patas curtas (enanismo): xeralmente asociado con DAB e/ou osteocondrodisplasia
- ED18: Peito ancho, animal compacto e menos grande
- ED19: Animal estilizado
- ED20: DAB (Deformidade Antero-Braquial)

Cadro 1.- Elementos diferenciadores. Listado de trazos físicos con potencial uso para a diferenciación individual na análise de material videofotográfico

List 1.- Elements for differentiation. List of physical traits with potential use for individual differentiation in the analysis of video-photographic material

Coincidencia e continuidade coa anterior estima (Alonso et al. 2021)

Na táboa 4 preséntanse conxuntamente os resultados da estima demográfica abordada en 2019-20 (Alonso et al 2021) e a presente de 2021-2022. Considerando para cada unha das dúas estimas o número de grupos familiares con confirmación de reproducción como mínimo nun dos dous anos de cada período de seguimento, os valores de referencia serían de 16 grupos en 2019-20 e de 18 grupos en 2021-22. Considerando conxuntamente cada un dos anos de seguimento (2019 a 2022), a evolución do número de grupos familiares nos que se confirmou reproducción sería de 14, 14, 16 e 14. Considerando as dúas categorías de reproducción, cría confirmada (CC) e cría probábel (CP), a evolución do número de grupos reproductores ou potencialmente reproductores sería, para os catro anos de seguimento, de 21, 21, 23 e 22 (para os catro anos de seguimento, $\bar{x} = 21.75$; $s = 0.957$).

Comparativa co censo oficial

Na figura 6 reproducése a distribución das denominadas “áreas con manadas potenciales” nas que foi posibel confirmar reproducción no censo oficial de 2021-22, que se inclúe no resumo de resultados que fixo públicos a Xunta de Galicia en xaneiro de 2023. A liña vermella delimita a nosa área de estudio e, dentro dela, numeráronse as distintas AMP localizadas polo equipo do censo oficial. Na figura 7 superponse a totalidade dos grupos familiares e áreas de presenza da especie localizados por nós no mesmo período de estudio 2021-22.

Da comparación de ambas figuras pódese concluír que existe un mínimo de seis “áreas de mandas potenciais” confirmadas polo censo oficial na área de estudio nas que se terían producido subestimas do número real de unidades ou grupos familiares de lobos: AMP’s nº 2, 3, 6, 7, 9 e 12. A táboa 5 recolle as diverxencias encontradas entre a nosa estima e o censo oficial. As táboas 6 a 11 detallan as

evidencias de reproducción ou existencia de cada unha das unidades familiares localizadas por nós nas AMP's citadas. Algunha das AMP alberga, realmente, ata tres ou catro grupos familiares. Nas figuras 8 a 10 represéntanse superpostos sobre as AMP 2, 3, 6 e 7 os grupos familiares localizados neste traballo que diverxen dos resultados do censo oficial. As liñas que definen as distancias entre zonas de cría están desprazadas para dificultar a localización destas últimas. Cabe destacar que o presente traballo

possibilitou a acumulación de nova información relativa ao grupo Gañidoira, o que permitiu diferenciar unha nova zona de cría e un novo grupo familiar para o ano 2019 (Vilachá), que en Alonso et al. (2021) se atribuía á unidade Gañidoira, pois naquela altura se carecía da información reprodutora que se manexa na actualidade e que confirmaría a existencia de dúas zonas de cría diferentes no período 2019-2022.

Figura 1 - Figure 1




Figura 2 - Figure 2



Figura 3 - Figure 3




Figura 1.- Fisionomía (tamaño e forma). 1. Enanismo. 2. Forma compacta, tamaño medio. 3. Forma estilizada. 4. DAB (Deformidade Antero-Braquial)

Figure 1.- Physiognomy (size and shape). 1. Dwarfism. 2. Compact form, medium size. 3. Stylized shape. 4. AD (Antebralial Deformity)

Figura 2.- Manchas nas extremidades anteriores. Sendo un trazo para o que resulta difícil obter boas imaxes que sirvan de base para a diferenciación e considerando as variacións en apariencia que pode sufrir entre a pelaxe invernal e a estival, parecen reconecérse diferencias no patrón das manchas que contribuirían, xunto con outros trazos, para o recoñecemento individual. Ademáis da maior ou menor extensión, -ata o carpo ou incluso ata os metacarpios -, parece haber variacións individuais na forma, especialmente do borde inferior das manchas

Figure 2.- Spots on the forelimbs. Despite being a trait for which it is difficult to obtain good images as a basis for differentiation and considering the variations in appearance that it may undergo between winter and summer coats, differences in the spot pattern seem to be recognizable. These differences, along with other traits, contribute to individual identification. In addition to the greater or lesser extent -reaching the carpus or even the metacarpus- there appear to be individual variations in shape, especially at the lower edge of the spots

Figura 3.- Peladas. As peladas provocadas pola escabiose ou sarna varían en extensión rapidamente, polo que a diferenciación en base a este criterio ten aplicación en períodos curtos de tempo. Clase 1: peladas extensas que afectan máis dun 50% do corpo, principalmente en dorso e costas. Clase 2: peladas que afectan unha extensión media, comprendida entre o 6 e o 50% do corpo. Clase 3: peladas localizadas e de pouca extensión ou animal recuperando pelaxe (perda de pelo inferior ao 6% da superficie corporal). Para máis información, ver Cross et al. (2016)

Figure 3.- Hair loss. Hair losses caused by mange -scabies- vary rapidly in extent, so differentiation based on this criterion is applicable over short periods of time. Type 1: Extensive hair loss affecting more than 50% of the body, mainly on the back and sides. Type 2: Hair loss affecting a medium extent, between 6 and 50% of the body. Type 3: Localized and small extent of hair loss areas or animals recovering fur (hair loss less than 6% of the body surface). For more information, see Cross et al. (2016)



Figura 4 - Figure 4**Figura 5 - Figure 5**

Figura 4.- Caudas. 1. Engrosada na base (cónica). 2. Pelada. 3. Plumón espeso. 4. Bandeira

Figure 4.- Tails. 1. Thickened at the base (conical). 2. Complete bald tail. 3. Thick feather duster. 4. Flag shaped

Figura 5.- Deseño facial (máscara, brida e mancha masetera). 1. Brida normal na inserción con máscara. 2. Brida estreita na inserción con máscara. 3. Brida ancha e mancha masetera pequena. 4. Mancha masetera apaisada. A estes caracteres sumaríase a presenza de penca escura aproximadamente xusto baixo a brida, abríndose varias posibilidades de diferenciación combinando este trazo cos restantes. O deseño facial é útil para diferenciar cachorros e xuvenís

Figure 5.- Facial pattern (mask, bridle, and masseter spot). 1. Normal bridle at insertion with mask. 2. Narrow bridle at insertion with mask. 3. Wide bridle and small masseter spot. 4. Horizontal masseter spot. To these traits, the presence of a dark speck just below the bridle would be added, opening various possibilities for differentiation by combining this feature with the others. Facial pattern is useful for pups and offspring individual identification




Figura 6.- Representación en ortofotografía das 13 "Áreas con Manada Potencial" (AMP) confirmadas por Xunta de Galicia (2022) na nosa área de estudio
Figure 6.- Orthophoto representation of the 13 Potential Pack Areas (AMP) confirmed in Xunta de Galicia (2022) in our study area

Nº	Código	GRUPOS	Evidencia de grupo			Evidencia de reproducción			Evidencia de grupo			Evidencia de reproducción		
			Fp	FP	Cch	Fp	FP	Cch	Fp	FP	Cch	Fp	FP	Cch
1	AI	Alfoz	?			?			?			?		
2	AP-TR	A Pontenova-Trabada												
3	ME	Medio Eume												
4	AS	As Somozas												
5	BU	Buio												
6	CB-BU	Cabaleiros-Burela	?											
7	CAP	Capelada												
8	VI	Vilalba												
9	CEL-X	Celeiro-Xove												
10	CN	Cordal de Neda												
11	COR	Coriscada												
12	CX	Caxado												
13	FG	Forgoselo												
14	MF	Monfero												
15	MS	Monseivane												
16	PV	Pena Ventosa												
17	TX	Toxiza												
18	VAC	Vacariza												
19	GÑ	Gañidoira												
20	XN	Xistral Norte												
21	XS	Xistral Sur												
22	RB	Ribadeo												
23	FE	Fragas do Eume												
24	FA	Faladoira												
25	RB-G	Riobarba-Galdo												

Táboa 2.- Grupos familiares rexistrados na área de estudio en 2021 e 2022 (Fp: femia preñada; FP: femia parida; Cch: cachorros)

Table 2.- Packs detected in the study area in 2021 and 2022 (Fp: pregnant female; FP: lactating female wolf; Cch: pups)

Nº	COD	Estatus	Información	2021		2022		Tipo Info
				Tipo Info	Estatus	Tipo Info	Estatus	
1	AL	--	--	--	--	--	--	--
2	AP-TR	CP	Indicios de presenza. Ataques recurrentes	PI-O	CP	Indicios de presenza. Ataques recurrentes	PI+O	PI+OD
3	ME	CC	Femia preñada en Abril	TVF	CC	Indicios de presenza. Ataques recurrentes. Grupo familiar en Febreiro.	PI+OD	PI+O
4	AS	CP	Grupo familiar, 6 exemplares en Abril	TVF	CP	Indicios de presenza. Ataques recurrentes	PI+EE+O	PI+O
5	BU	CC	Femia parida en Xullo	TVF	CC	Femia parida en Xullo. Cch (rastro grupo familiar + Cch) en Agosto	PI+EE+O D	PI+O
6	CAB-BU	--	--	--	--	--	--	--
7	CAP	CC	Femia parida en Xuíño. Cachorros en Setembro	TVF	CC	Femia preñada en Maio e parida en Xuíño	TVF+OD	TVF+OD
8	VI	CC	Grupo familiar. 6 ex., incluída FP e xuvénis en 06-2022	OD	CC	Grupo familiar. 6 ex.., incluída femia parida e xuvénis en 06-2022	PI+OD	PI+OD
9	CEL-X	CP	Ataques recurrentes	O	CC	Cachorros en Outubro e Novembro	TVF	TVF
10	CN	CP	Ataques recurrentes	O	CP	Ataques recurrentes	O	O
11	COR	CC	Femia preñada en Maio e parida en Xullo	TVF	CC	Grupo familiar con 3 xuvénis en 5-23	TVF	TVF
12	CX	CC	Femia preñada en Maio e parida en Xullo	TVF	CC	Consumo prop. de gr. repr.(3-8-2022, besta en Somede), Xuvénis Abril 2023.	PI+O+OD	PI+O+OD
13	FG	CC	Femia parida en Xuíño	TVF	CP	Parella Inverno 2022-23.	PI+O	PI+O
14	MF	CC	Femia parida en Xuíño	TVF	CP	Grupo familiar en Maio 2023	OD ¹	OD ¹
15	MS	CP	Indicios de presenza abundantes	PI	CC	Xuvénis en Novembro	EE+OD	EE+OD
16	PV	CC	Femia preñada en Abril	TVF	CC	Femia parida en Xuíño. Cachorros en Setembro	TVF+OD	TVF+OD
17	TX	CC	Femia parida en Xullo	TVF	CC	Cachorros en Outubro	O	O
18	VAC	CC	Femia preñada en Abril e parida en Maio	TVF	CC	Rastros de cachorros en Setembro. Xuvénis en Febreiro	PI+EE	PI+EE
19	GÑ	CC	Cachorros en Agosto	EE	CC	Femia parida en Xuíño e Cachorros en Agosto. Setembro e Outubro	EE+OD	EE+OD
20	XN	CC	Femia parida en Maio	TVF	CC	Femia parida en Xuíño	OD	OD
21	XS	CC	Cachorros en Setembro e Outubro	EE+OD	CP	Parella en Agosto en piñeiral	TVF	TVF
22	RB	CP	Ataques recurrentes	O	CP	Ataques recurrentes	O	O
23	FE	CP	Parella acompañada doutro exemplar en Xaneiro	TVF	--	--	--	--
24	FA	CC	Femia preñada en Abril e cachorros en Xullo	TVF	CP	Grupo familiar de 2021, 4 exemplares, Abril 2022	TVF	TVF
25	RB-G	CC	Cachorros en Xullo	TVF	CC	Femia parida en Xuíño, cachorros en Setembro	TVF+EE	TVF+EE

Táboa 3.- Evidencias de reproducción para as distintas unidades familiares no período de estudio 2021-2022. (TVF: trameo video-fotográfico; EE: estacións de escoita; OD: observación directa; PI: procura de indicios; O: Outras informacións, incluídas as proporcionadas por informantes locais. CP: cría probábel; CC: cría confirmada).¹ Observación directa, maio 2023

Table 3.- Breeding evidences for different packs during 2021-2022 study period. (TVF: camera trapping; EE: wolf howling; OD: Direct observation; PI: Search for tracks and signs; O: Other information, including that provided by local informants. CP: Probable breeding; CC: Confirmed breeding). ¹ Direct observation, May 2023




Figura 7- Distribución das "Áreas con Manada Potencial" (AMP) rexistradas en 2021-22 pola Xunta de Galicia e, superpostos, grupos de existencia ou reproducción confirmada e áreas de presenza da especie detectadas no presente traballo para o mesmo período

Figure 7.- Distribution of proposed Potential Pack Areas (AMP) in 2021-22 by the Government of Galicia and, overlaid, packs with confirmed existence or breeding and areas of species presence detected in this study for the same period

GRUPO	2019		2020		2021		2022	
	Estatus	Tipo info	Estatus	Tipo info	Estatus	Tipo Info	Estatus	Tipo Info
1 AL	PC	PI	PC	PI	?	--	?	--
2 AP-TR	CP	PI	PC	PI	CP	PI-O	CP	PI-O
3 ME	CC	TVF	CP	TVF	CC	TVF	CC	PI/OD
4 AS	CP	TVF	CC	TVF	CP	TVF	CP	PI/O
5 BU	CP	TVF	CC	TVF	CC	TVF	CC	PI+EE+OD
6 CB-BU	PC	PI	CP	PI	?	--	?	--
7 CAP	CC	TVF/OD	CC	TVF/OD	CC	TVF	CC	TVF/OD
8 CAR/VI	CP	TVF	CP	TVF	CC	TVF	CC	PI/OD
9 CEL-X	CP	O	CP	O	CP	TVF	CC	TVF
10 CN	CP	PI	CP	PI	CP	O	CP	O
11 COR*	CP	TVF	CC	TVF	CC	TVF	CC	TVF
12 CX	CC	TVF	CC	TVF	CC	TVF	CC	PI/O/OD
13 FG	CC	TVF	CC	TVF	CC	TVF	CP	PI/O
14 MF	CC	TVF/EE	CC	TVF	CC	TVF	CP	OD
15 MS	CC	TVF	CC	TVF	CP	PI	CC	EE/OD
16 PV	CC	TVF	CP	TVF	CC	TVF	CC	TVF/OD
17 TX	CC	TVF/EE	CC	TVF	CC	TVF	CC	O
18 VAC	CC	TVF	CC	TVF	CC	TVF	CC	PI/EE
19 GÑ	CC	TVF/O	CC	TVF	CC	EE	CC	EE/OD
20 XN	CC	TVF/EE	CC	TVF/EE	CC	TVF	CC	OD
21 XS	CC	TVF/OD	CC	TVF	CC	EE-OD	CP	TVF
22 RB	PC	O	PC	O	CP	O	CP	O
23 FE	PC	TVF/O	CP	O	CP	TVF	---	---
24 FA*	CC	TVF	CC	TVF	CC	TVF	CP	TVF
25 RB-G	--	--	--	--	CC	TVF	CC	TVF/EE
26 VIL**	CC	TVF/O	--	--	--	--	--	--
Total CC (CC+CP)	14 (21)		14 (21)		2019-20=17	16 (23)	14 (22)	2021-22=18

Táboa 4.- Relación de grupos ou áreas ocupadas. Información sobre reproducción acadada e fonte de información. CC Cría confirmada; CP Cría probable; PC Presenza confirmada. TIPO INFO: PI procura de indicios (pegadas e dexterros); O Outras informacións; TVF tramofo videofotográfico; OD observación directa; EE estacións de escoita (* en Alonso et al, 2021, CC was mistakenly attributed to the COR pack, when it should have been, as later confirmed, for the FA pack; ** Vilachá pack: criador en 2019, the year in which these wolves were considered to form the Gañidoira pack; later, the breeding area of this Gañidoira pack was located for 2019, being different from that of those wolves from Vilachá; with no subsequent record of its existence, two pups were recorded in 2019, and one pup was found dead hit by a car)

Table 4.- Packs/occupied areas list . Information on achieved reproduction and source of information. CC: Confirmed breeding; CP: Probable breeding; PC: Confirmed presence. INFO TYPE: PI search for evidence (tracks and signs); O Other information; TVF camera trapping; OD direct observation; EE wolf howling (* in Alonso et al, 2021, CC was mistakenly attributed to the COR pack, when it should have been, as later confirmed, for the FA pack; ** Vilachá pack: breeder in 2019, the year in which these wolves were considered to form the Gañidoira pack; later, the breeding area of this Gañidoira pack was located for 2019, being different from that of those wolves from Vilachá; with no subsequent record of its existence, two pups were recorded in 2019, and one pup was found dead hit by a car)




Figura 8- Grupos familiares e distancias entre as zonas de cría na AMP 2 e 3
Figure 8.- Packs and distances between breeding sites in AMP 2 and 3




Figura 9- Grupos familiares e distancia entre as zonas de cría na AMP 6
Figure 9.- Packs and distances between breeding sites in AMP 6




Figura 10- Grupos familiares e distancias entre as zonas de cría na AMP 7
Figure 10.- Packs and distances between breeding sites in AMP 7

AMP Xunta 2022		GRUPOS EXISTENTES		
2	Faladoira	Coriscada		
3	Riobarba-Galdo	Pena Ventosa		
6	Caxado	Vacariza	As Somozas	
7	Gañidoira	Xistral N	Xistral S	
9	Forgoselo	Fragas do Eume	Monfero	Medio Eume
12	Cordal de Neda	A Pontenova-Trabada	Ribadeo	

Táboa 5.- Grupos detectados total ou parcialmente en seis territorios atribuídos a outras tantas "áreas de manda potencial" (AMP) (Xunta de Galicia, 2022). Os grupos detectados neste estudio teñen parte dos seus territorios de cría dentro das áreas nas que o censo oficial rexistrhou a presenza dun só grupo

Table 5.- Packs located wholly or partially in six territories attributed to as many 'potential pack areas' (AMP) (Xunta de Galicia, 2022). The packs detected in our study have part of their breeding territories within the areas where the official census determined the existence of only one pack

Nº	COD	Nome	Reproducción. Información acadada	Detalle Información
24	FA	Faladoira	CC 2019-2020-2021 / CP 2022	Xuv. 11-19; Xuv. 11-20; Cach. 07-21; grupo fam. (3 ex) 05-22.
11	COR	Coriscada	CP 2019 / CC 2020-2021-2022	Indicios e ataques recurr. 2019; Cach. 07-20; FP 07-21; grupo xuvenís 05-23

Táboa 6.- Grupos existentes no territorio delimitado no censo oficial e numerado por nós como AMP nº 2 (FP: femia parida)

Table 6.- Located packs in the territory defined in the official census and numbered by us as Potential Pack Area (AMP) No. 2 (FP: lactating female)

Nº	COD	Nome	Reproducción. Información acadada	Detalle Información
25	RB-G	Riobarba-Galdo	CC 2021-2022	Cachorros 07-21/09-22
16	PV	Pena Ventosa	CC 2019-2020-2021-2022	Xuv. 12-19; Cach. 09-20; Fp 04-21; Cach. 09-22

Táboa 7.- Grupos existentes no territorio delimitado no censo oficial e numerado por nós como AMP nº 3. (Fp: femia preñada)

Table 7.- Located packs in the territory defined in the official census and numbered by us as Potential Pack Area (AMP) No. 3 (Fp: pregnant female)

Nº	COD	Nome	Reproducción. Información acadada	Detalle Información
4	AS	As Somozas	CP 2021-2022	Grupo familiar 6 ex. 04-21; indicios e ataques 2022
12	CX	Caxado	CC 2019-2020-2021/CP 2022	FP 05-19; Cch 07-19; FP 06-20; Cch 08-20; Fp 05-21; FP 07-21; ataques propios de grupo familiar en 2022
8	VAC	Vacariza	CC 2019-2020-2021-2022	Cachorros 10-19; FP 07-20; FP 05-21; Cach. 09-22; Xuvénis 02-23

Táboa 8.- Grupos existentes no territorio delimitado no censo oficial e numerado por nós como AMP 6 (FP: femia parida; Fp. femia preñada)

Table 8.- Located packs in the territory defined in the official census and numbered by us as Potential Pack Area (AMP) No. 6 (FP: lactating female; Fp: pregnant female)

Nº	COD	Nome	Reproducción. Información acadada	Detalle Información
19	GÑ	Gañidoira	CC 2019-2020-2021-2022	Xuv. 04-20; Cach. 08-20/08-21/08-22
20	XN	Xistral Norte	CC 2019-2020-2021-2022	Cach. 09-19/09-20; FP 06-21/06-22
21	XS	Xistral Sur	CC 2019-2020-2021/CP 2022	FP 08-19; Xuv. 11 -20; Cach. 09-21; parella 06-22

Táboa 9.- Grupos existentes no territorio delimitado no censo oficial e numerado por nós como AMP nº 7 (FP: femia parida)

Table 9.- Located packs in the territory defined in the official census and numbered by us as Potential Pack Area (AMP) No. 6 (FP: lactating female)

Nº	COD	Nome	Reproducción. Información acadada	Detalle Información
3	ME	Medio Eume	CC 2019-2021-2022	FP 07-19; Fp 04-21; Xuv. 06-23
13	FG	Forgoselo	CC 2019-2020-2021/CP 2022	FP 05-19; FP 06-20; FP 06-21; 2 ad. repr. 2022-23
14	MF	Monfero	CC 2019-2020-2021/CP 2022	FP 05-2019; FP 07-2020; FP 06-2021; grupo fam. 06-23
23	FE	Fragas do Eume	PC 2019/ CP 2020-2021	Indic. pres. 2019; xuv. 12-20; Parella repr. + AD 01-21. Parella repr. 06-21.

Táboa 10.- Grupos existentes no territorio delimitado no censo oficial e numerado por nós como AMP nº 9 (FP: femia parida; Fp: femia preñada)

Table 10.- Located packs in the territory defined in the official census and numbered by us as Potential Pack Area (AMP) No. 9 (FP: lactating female; Fp: pregnant female)

Nº	COD	Nome	Reproducción. Información acadada	Detalle Información
2	AP-TR	A Pontenova-Trabada	CP 2019-2021-2022/PC 2020	Procura de indicios
10	CN	Cordal de Neda	CP 2019-2020-2021-2022	Danos recorrentes
22	RB	Ribadeo	PC 2019/CP 2020-2021-2022	Danos recorrentes

Táboa 11.- Grupos existentes no territorio delimitado no censo oficial e numerado por nós como AMP nº 12

Table 11.- Located packs in the territory defined in the official census and numbered by us as Potential Pack Area (AMP) No. 12

A táboa 12 resume as informacións colectadas sobre distancias mínimas entre lugares de cría coñecidos (as áreas de cría son tomadas como as superficies nas que nacen os cachorros e desenvolven os seus primeiros 3-4 meses de vida, entre maio e agosto, sendo a distancia mínima aquela que expresa a mínima separación entre esas superficies de dúas zonas de cría contiguas).

Conclusións

Os datos que se presentan neste traballo reforzan a estima previa abordada os anos 2019 e 2020, pois confirmán a existencia de máis dun 95% dos grupos detectados naquel censo (23 dos 24 grupos de existencia confirmada rexistrados en 2019-2020, o que representa un 95.8%, foron detectados en 2021-2022).

A diverxencia destas informacións a respecto dos resultados obtidos no censo oficial da Xunta de Galicia resultan evidentes. Os nosos datos confirmán a existencia

na área de estudio de 23 grupos familiares, 18 deles con confirmación de reproducción, por 13 o censo oficial. Isto significa que, en relación a grupos familiares nos que se confirmou reproducción, o censo oficial subestimou nun 27.7 % o número real de grupos existentes. Se se toma en consideración o número de grupos con evidencia de reproducción (cría confirmada e cría probábel), dita subestima sería dun 43.4 %.

Unha explicación plausible destas diferencias podería inferirse a partir das observacións de Sidorovich & Rotenko (2019). Estes autores encontraron que a reproducción de máis dunha femia nun mesmo grupo familiar non era un patrón esporádico nalgúns árees de Bielorrusia. Con todo, no norte de Galicia, non descartando a hipótese de que poida puntualmente acontecer a existencia de dúas femias reprodutoras nun mesmo grupo criando en localizacións próximas, nos casos onde se alcanzaron os menores valores de distancias mínimas (grupos Pena Ventosa/Gañidoira e Gañidoira/Vilachá), estas nunca foron

Grupo	Grupo	Anos	D
Faladoira	Coriscada	2021	6.1
Riobarba-Galdo	Pena Ventosa	2021-22	7.6
Pena Ventosa	Gañidoira	2019-20-21-22	5.4
Gañidoira	Vacariza	2021-22	10.4
Gañidoira	Vilachá	2020	5.4
Vacariza	Caxado	2020-21	9.2
Caxado	Faladoira	2021	8.2
Xistral N	Xistral S	2020-21	8.5

Táboa 12.- Distancias (km) estimadas entre zonas de cría de grupos próximos detectadas neste estudio. 2021-22

Table 12.- Estimated distances (km) between breeding areas of nearby packs detected in this study. 2021-22

inferiores aos 5 km (Sidorovich & Rotenko 2019 aportan información sobre 19 grupos con dúas ou más femias reproductoras, establecendo na mayoría dos casos distancias inferiores a 3 km entre os tobos de parto). Mais o dato más relevante é que neses grupos con zonas de cría próximas,

os machos dominantes, supuestamente os reproductores, serían diferentes, o que reforza a segregación en unidades familiares distintas. Acompáñanse fotografías dos machos potencialmente reproductores de varios grupos familiares (Figuras 11 a 16).



Figura 11.- Macho que foi dominante do grupo Gañidoira ata Xullo 2022
Figure 11.- Male that was the dominant individual of the Gañidoira pack until July 2022



Figura 12.- Novo macho dominante do grupo Gañidoira desde Agosto 2022
Figure 12.- New dominant male of the Gañidoira pack since August 2022



Figura 13.- Macho dominante do grupo Pena Ventosa en 2021
Figure 13.- Dominant male of the Pena Ventosa pack in 2021



Figura 14.- Macho dominante, femia reprodutora e cachorros do grupo Vilachá en Maio e Setembro de 2020
Figure 14.- Dominant male, breeding female and pups of the Vilachá pack in May and September 2020



Figura 15.- Macho dominante do grupo Riobarba-Galdo en 2021
Figure 15.- Dominant male of the Riobarba-Galdo pack in 2021



Figura 16.- Macho dominante do grupo Vacariza
Figure 16.- Dominant male of the Vacariza pack

A coincidencia e continuidade que mostran as estimativas de 2019-2020 e de 2021-2022 suxiren de inmediato a falta de precisión do censo oficial. A existencia dunha subestima obxectiva no número de grupos en zonas de alta densidade (N de Galicia), que alcanzaría máis dun 40% dos grupos existentes, podería estar a darse noutras áreas con densidades menores (NE da provincia de Pontevedra e NO e SE da de Ourense). Os factores que, ao noso entender, poderían explicar estas diverxencias residen fundamentalmente en aspectos metodolóxicos que se expoñen a continuación.

Abordar unha primeira mostraxe de indicios, orientada á estimativa de índices quilométricos de abundancia, tomando como referencia de planificación espacial a cuadrícula UTM de 10 x 10 km, en lugar de repartir o territorio en unidades orográficas más ou menos homoxéneas constitúe, ao noso entender, o primeiro erro da metodoloxía de censo empregada. Mais o erro non reside nesta escolla, senón no segundo erro metodolóxico, que é a heteroxeneidade dos equipos de mostraxe. Resulta fácil acreditar que nun colectivo tan amplio como os e as axentes e vixiantes de medio ambiente se pode encontrar distintas capacidades de mostraxe e maior ou menor interese e compromiso de rigor. A condición de que as mostraxes se efectúan con reparto territorial de esforzo similar e con equipos que garanten niveis equiparábeis de pericia e solvencia non se pode asegurar neste deseño, que procura o abaratamento de custos. Isto conduce a que, sen unha coordinación eficaz e estreita, capaz de asegurar a prospección das unidades orográficas significativas, se estea efectuando unha mostraxe procurando indicios de presenza en áreas que, polas súas características, difícilmente van ter lobos, mentres que outras áreas, más inaccesíbeis ou complexas de percorrer e con más posibilidade de ser usadas polos lobos, estean ficando fóra da mostraxe inicial.

A heteroxeneidade dos equipos (“141 axentes e vixiantes de medio ambiente, 5 técnicos da Consellería de Medio Ambiente e catro técnicos externos”) pode dar tamén como resultado que unha persoa con solvencia e interese encontre 10 indicios nun itinerario de 2.5 km (valor de i.k.a. de 4) e outra sen a mesma pericia encontre no mesmo itinerario e no mesmo día apenas 1 ou 2, o que situaría o valor referencial de i.k.a. en menos de 0.2. Isto supón un importante constrinximento que impide que esa mostraxe inicial ofreza unha imaxe equilibrada e real das necesidades de esforzo que precisarían as seguintes etapas de mostraxe de campo, nas que se seguiría procurando indicios de presenza e se implementarían outros métodos, como o trameo video-fotográfico e as estacións de escucha e de observación.

Nin a aplicación do modelo lineal que relaciona concentración de indicios (valores IKA) e probabilidade de reproducción (Llaneza et al. 2014), nin a estimativa do deseño de territorios a partir da aplicación de métodos multivariantes poden compensar as incertezas que surxen a partir dunha información obtida de forma tan heterodoxa. O resultado é a presentación dun mapa de AMP's (*Área de Manada Potencial*) que se aparta de forma evidente da realidade, ao non reflectir a ocupación real do territorio por

parte dos distintos grupos de lobos, alomenos no norte de Galicia. Parece máis o resultado dun trazado arbitrario de límites territoriais a partir dun deficiente conxunto de datos de campo. De nada serve aportar unha estima máis ou menos coincidente conseguida a través dos dous modelos, cando un deles estima, a maiores dos 92 grupos rexistrados, a potencial existencia doutras 37 AMP's, case un 40% máis de territorios que os 93 estimados polo modelo lineal, e non se aporta información de ningún tipo sobre reprodución (“*ben non se reproducen ou ben non se pudo confirmar a reproducción*”).

Isto revela a dupla limitación deste censo. Por un lado, a limitación metodolóxica, principalmente a que opera co cálculo probabilístico baseado nas estimas de índices quilométricos de abundancia, que encontraría dificultades interpretativas en escenarios complicados pola alta densidade na que se presentan os grupos. E, por outro, a limitación do esforzo de mostraxe despregado, carente de definición para reducir as marxes interpretativas do cálculo citado. Referímonos, obviamente, ao caso de áreas con densidades elevadas, nas que os territorios se poden presentar imbricados e posibelmente con solapamentos para aproveitar mellor os recursos existentes en zonas nas que, con frecuencia, a abundancia, diversidade e oportunidades de alimento son elevadas. Nestes casos, nos que probablemente se dea o patrón descrito por Kittle et al (2014) e os grupos sociais adapten o tamaño dos territorios á calidade dos seus hábitats, só un intenso e preciso traballo de campo pode reducir a incerteza. Pensemos que, no caso do valor máis alto de densidade media das poboacións das especies presa dos lobos, Fuller et al (2003) valoran en apenas 75 km² a superficie do territorio que precisaría un grupo de 4 lobos para encontrar os seus requerimentos nutricionais.

Alonso et al. (2021) afirmaban que o censo oficial de 2013-2014 podería ter subestimado a poboación de lobos do norte de Galicia (6 grupos localizados nunha área con 23 grupos en 2019), pois sería demasiado sorprendente que se estivesen a dar taxas de crecemento anual de más de 1.3-1.4 sostidas en 5-6 anos (o período que vai de 2014 a 2019), algo inusual para a maioría das poboacións de lobos do mundo (Fuller et al. 2003). Os resultados que se presentan nesta actualización e o contraste cos aportados polo último censo oficial demostrarían que se persiste no erro, reiterando as imprecisións e carencias do censo de 2013-2014, o cal se atribúe a unha metodoloxía probabilística que non da compensado as deficiencias dunha mostraxe incapaz de detectar a totalidade dos grupos existentes alí onde as densidades son elevadas e é dendo alcanzar valores próximos ou superiores a 6 exemplares/100km², como acontece no norte de Portugal (Álvares 2012) ou de Galicia (Alonso et al. 2021).

Mais tras o erro metodolóxico, existiría, tamén, un erro de gobernanza. O investimento en investigación e monitorización demográfica de especies ameazadas ou conflitivas padecería, ao igual que o gasto global en xestión ambiental, a imposición do camiño dos recortes económicos tras desencadearse a crise financeira de 2007, Martí & Pérez (2016), nun traballo do Banco de España, sitúan a evolución da porcentaxe representada polo gasto en

protección ambiental en España desde un 1.1% do PIB en 2010 cara unha previsión dun 0.7 % en 2018). Un camiño no que se insiste en avanzar. A consecuencia da redución orzamentaria neste tipo de traballos é que os resultados finais que se acadan non reflictan con precisión a realidade e que, co paso do tempo, se revelan inútiles para interpretar as tendencias de poboación experimentadas, a pesar dos esforzos que poidan realizar equipos de coordinación de traxectoria contrastada. Isto conduciría, finalmente, a unha situación na que a xestión do conflito social e económico do lobo non pode ser correctamente orientada porque se carece do máis elemental, que é unha base de coñecementos demográficos sólidos, pedra angular da xestión dunha especie como esta (ver desde Pimlott 1960 ou Mech 1970 a Merli et al. 2023 ou Sells et al. 2020, entre outros).

Bibliografía

- Alonso, P., Martínez, D. & Hevia, M. (2021). Censo da poboación de lobos (*Canis lupus*) do norte de Galicia e estimativa da densidade. Recursos Rurais 17: 39-54.
- Álvares, F. (2012). Ecología e conservação do lobo (*Canis lupus*, L.) no noroeste de Portugal. Tese de Doutoramento. Universidade de Lisboa, Faculdade de Ciências.
- Blanco, J.C. & Cortés, Y. (2002). Ecología, censos, percepción y evolución del lobo en España: análisis de un conflicto. SECEM.
- Blanco, J.C. & Cortés, Y. (2012). Surveying wolves without snow: a critical review of the methods used in Spain. *Hystrix It. J. Mamm* 23(1): 35-48.
- Boitani, L. (1987). Dalla parte del lupo. Ed. Mondadori.
- Cross, P.C., Almberg, E.S., Haase, C.G., Hudson, P.J., Maloney, S.K., Metz, M.C., Munn, A.J., Nugent, P., Putzeys, O., Stahler, D.R., Stewart, A.C., & Smith, D.W. (2016). Energetic costs of mange in wolves estimated from infrared thermography. *Ecology* 97(8): 1938-1948. <https://doi.org/10.1890/15-1346.1>
- Fagúndez, J., Lagos, L., Cortés-Vázquez, J.A., & Canastrá, F. (2021). Los caballos salvajes de Galicia. Contexto socioeconómico y beneficios ambientales. El caso de estudio de Galicia en el proyecto Grazelife (Life 18 PRE NL 002).
- Fuller, T.K., Mech, L.D., & Fitts Cochrane, J. (2003). Wolf population dynamics. Pp. 161-19 In: Wolves. Behavior, Ecology, and Conservation. L.D. Mech e L. Boitani (Eds.). The University of Chicago Press. Chicago.
- Jiménez, J., García, E., Llaneza, L., Palacios, V., González, L.M., García-Domínguez, F. Muñoz-Igualada, J & López-Bao, J.V. (2023). Multimethod, multistate Bayesian hierarchical modeling approach for use in regional monitoring of wolves. *Conservation Biology*, 30 (4): 883-893. <http://doi.org/10.1111/cobi.12685>
- Jiménez, J., Cara, D., García-Domínguez, F. & Barasona, J.L. (2023). Estimating wolf (*Canis lupus*) densities using video camera traps and spatial capture-recapture analysis. *Ecosphere* 14: e4604. <https://doi.org/10.1002/ecs2.4604>
- Kittle, A., Anderson, M., Avgar, T., Baker, J.A., Brown, G.S., Hagens, J., Iwachowski, E., Moffatt, S., Mosser, A., Patterson, B.R., Reid, D.E.B., Rodgers, A.R., Shuter, J., Street, G.M., Thompson, I.D., Van der Vennen, L.M. & Fryxell, J.M. (2015). Wolves adapt territory size, not pack size to local habitat quality. *Journal of Animal Ecology* 2015. <https://doi: 10.1111/1365-2656.12366>
- Llaneza, L., García, E.J. & López-Bao, J.V. (2014). Intensity of territorial marking predicts wolf reproduction: implications for wolf monitoring. *PLoS ONE* 9(3): e93015. <https://doi.org/10.1371/journal.pone.0093015>.
- Martí, F. & Pérez, J.J. (2016). Spanish public finances through the financial crisis. Documentos de Trabajo nº 1620. Banco de España.
- Mech, L.D. (1970). The Wolf: The Ecology and Behavior of an Endangered Species. University of Minnesota Press.
- Merli, E., Mattioli, L.; Bassi, E., Bongi, P., Berzi, D., Ciuti, F., Luccarini, S., Morimando, F., Viviani, V., Caniglia, R., Galaverni, M., Fabbri, E., Scandura, M. & Apollonio, M. (2023). Estimating wolf population size and dynamics by field monitoring and demographic models: implications for management and conservation. *Animals* 2023, 13, 1735. <https://doi.org/10.3390/ani13111735>
- Petrucci-Fonseca, F. (1990). O lobo (*Canis lupus signatus* Cabrera, 1907) em Portugal. Problemática da sua conservação. Tese de Doutoramento, Universidade de Lisboa, Lisboa.
- Pimlott, D.H. (1960). The use of tape-recorded wolf howls to locate timber wolves. Midwest Wildlife Conference.
- Sells, S.N., Keever, A.C., Mitchell, M.S., Gude, J., Podruzny, K., & Inman, R. (2020). Improving estimation of wolf recruitment and abundance, and development of an adaptive harvest management program for wolves in Montana. Final report for Federal Aid in Wildlife Restoration Grant W-161-R-1. Montana Fish, Wildlife & Parks.
- Sidorovich, V. & Rotenko, I. (2019). Reproduction biology in grey wolves *Canis lupus* in Belarus: Common beliefs versus reality. Minsk Chatyry Chverci.
- Vilá, C. (1993). Aspectos morfológicos y ecológicos del lobo ibérico (*Canis lupus* L.). Tese de doutoramento. Universitat de Barcelona.
- Xunta de Galicia (2022). Censo de lobo ibérico en Galicia. Resumo. Consellería de Medio Ambiente, Territorio e Vivenda. Dirección Xeral de Patrimonio Natural.